

Gálatas

Juu' la- ga-sii' Paa' kih' øøh' jne' hi- tääh' hwa' Galacia

1 ¹ Jnä' Paa' laan' apóstol. Pero ja- he- ga-chee' dsa- jnä', ni- ja- kyaah' be' kih' dsa- na-hñaan'. Jesucristo ba' ga-chee' jnä' kyaah' Dio hi- laa' Täa' jnän' hi- ga-mi-jiih' Jesucristo jee' kih' hi- na-juu'. ² Siin- juu' la- kyah' hnäh' øøhn' jee' dsa-ñeeh- hnäh' lä-kaa- hwa' Galacia. Hi- lä-jëe- øøh' jne' hi- tääh' kyaah' jnä', koo- nee' ba' la- huudsë- kyaa' jnääh' he- siin- la-. ³ Ngiiin' kih' Dio hi- laa' Täa' jnän' hi- ngiin' kih' Jesucristo Dsa-jøøh' jnän', wa' kway' he- llu' kyah' hnäh', wa' jmeey' hii' tii' kyah' hnäh'. ⁴ Jëeh' Jesús ga-kwaa' hñii' ga-juuy' kwaan- kih' dso'kye- jnän' mah' lääy' jne' kih' jmi-gyuu- hliih' la-, lä-koo- hyoh- dsë' Dio jmee' jnän', he' ba' hi- laa' Täa' jnän'. ⁵ Lä-ja- wa' la' juuh- kiyh' ga-lä-jë- joh' jmi- cha-. Wa' la' lä-ja-.

Koo- ba' ju'hmëe' cha- he- kyaah' lää' jne'

⁶ Peer- dsaa- dsën- kih' he- ga-nuun' चाह' ga-juh- ga-lä-øøh' hnäh' kih' Dio hi- ga-tëeh' hnäh' ta-la- kih' he- llu' dsë' Cristo, mah' ma-taah- hnäh' kyaah' jyoh' ju'hmëe' he- laah' hnäh' llu' ga'. ⁷ Pero sa- cha- ga- jyoh' jwë' he- kye- ju'hmëe'. He- hnøø' ko-llaa' dsa- kah'gwëh' huudsë- kyah' hnäh' ba' ja-, hi- hnøøy' mi-siiy' ju'hmëe' kih' Cristo. ⁸ He-ja- jwahn-, wa' tøh' dso'jwi- në' kyaa' jnääh' cher'mah' ga-jmee' jnääh' lä-na-, o cher'mah' jaa- ángel ja' gyuuuh' kwa' jyoh' juu' lä-koh' ga' he- ga-mi-tëe' jnääh' hnäh', ja-ba' lä-ja- wa' tøh' dso'jwi- në' kiyh'. ⁹ Koo- ka-läh' jwahn-, ja-ba' he- ma-ngëe' ma-jahn' jää'. Cher'mah' chaa- hi- ga-jnäh' hi- kwa- juu' kyah' hnäh' he- sa- la' kwee- kyaah' he- ga-heeh- hnäh', wa' tøh' dso'jwi- në' kiyh'.

¹⁰ ¿Ha- lä- laah' hnäh'? ¿Che' he- hnoon' he- jän- llu' kyaah' dsa- he- ma-hlëehn- lä-na-, o che' he- hnoon' he- jän- llu' kyaah' Dio? ¿Che' laah' hnäh' he- hnoohn- ha- lä- jee' tih' dsë' dsa- ki- jnä'? Jëe- da', wa'ra- jäh' kih' ngoo' ba' jnä' jmeen- lä-jë- he- hnøø' dsa-, mo-so- laan' jaa- hi- jmee- ta' kih' Cristo.

Dio ba' ga-lleeh- Paa' mah' lee' apóstol kyaay'

¹¹ Øøhn', hnoon' lä-ñeh' hnäh' he- la-. Ja- he- gwa' kih' dsa-, ju'hmëe' he- kwan- la-. ¹² Sa- ga-hyohn' kih' dsa- juu' la- hi- ni- sa- ga-mi-tëe- dsa- jnä'. Jesucristo ga-mi-jnäa- kin- juu' la-, he-ja- ba' ja- he- kyuuhn-.

¹³ Ma-nuuuh- ba' hnäh' lä-koo- ma' ngën- jää', he- ga-jmeen' lä-koh' tëe' jmee' judiu dsa-goon-. Ha- koh' sa- ga-lä-hña- dsën- kyaah' hi- ga-heeh- kih' Joo' Dio. Ma' hnoon' ma' mi'llaan' go-te- lä-jëe- hi- he'.

¹⁴ Ga-jmee' ga- jnä' cha-ga-mi-ih- lä-koh' ga- jee' lä-jëe- judiu hi- laa' koo- ji-ñe- kyaah' jnä'. Ga-jmeen' bii' ga-høøn' lä-jë- nuuh- kih' dsa-

ma⁻gyuh⁻ kyaa¹ jnääh¹. ¹⁵ Pero sa⁺ ga⁺ ma⁻lä⁻chaan⁺ ga⁻lleeh⁻ Dio jnä⁺ mah¹ ja⁻ leen⁺ kyaa¹ bih¹. Ga⁻tëeyh¹ jnä⁺ kih¹ he⁻ llu¹ dsëy¹ kyaah⁺ jnä⁺. Hi⁺ lä⁻koh⁺ ma⁺ ga⁻tih¹ dsëy¹, ¹⁶ ja⁻ga⁺ ga⁻mi⁻jnääy⁻ jooy⁺ kin⁺ mah¹ kwan⁻ juu¹ kiyh¹ kih¹ dsa⁻ hi⁻ sa⁺ laa¹ judiu. Pero sa⁺ ga⁻hnaahn⁺ ni⁺ jaa⁻ dsa⁻ mah¹ ma⁺ siiyh⁺ jnä⁺ ha⁻ lä⁻ la¹ juu¹ he⁻ ma⁺ kwan⁻. ¹⁷ Ni⁺ sa⁺ ngaahn¹ ta⁺ Jerusalén na⁻jëen⁺ hi⁻ laa¹ apóstole jää¹ ga⁺ lä⁻koo⁻ jnä⁺. Lä⁻chah⁺ ja⁻ ngoon¹ ta⁺ hwa¹ Arabia ba⁺, (koo⁻ hwa¹ kii⁺ jee⁺ sa⁺ kwa⁺ ni⁺ miih⁻). Ma⁻ngëe⁺ he⁻ ja⁻, ngoon¹ ka⁻läh⁺ ta⁺ Damasco.

¹⁸ Ma⁻hya⁻ hnë⁻ ji⁻ñe⁻, ja⁻ga⁺ ngaahn¹ ta⁺ Jerusalén na⁻jëen⁺ Pee⁺ hi⁺ ga⁻jän¹ kyaayh⁺ gya⁻hña⁺ jmi⁺ jee⁺ ja⁻. ¹⁹ Ni⁺ sa⁺ ga⁻jëen¹ ga⁺ jñah⁺ apóstole, ma⁻la⁺ Jacobo dsa⁻ñuuh⁻ øøh⁻ Dsa⁻jøøh¹ jnän⁻ ba⁺ ga⁻jëen¹.

²⁰ Jmeen⁺ dsoo⁺, Dio ba⁺ ñe⁻ sa⁺ cha⁻ ta⁻juun¹ he⁻ siin⁺ kyah¹ hnäh⁺ la⁻.

²¹ Ma⁻ngëe⁺ he⁻ ja⁻, ñeen⁺ ta⁺ hwa¹ Siria kyaah⁺ Cilicia. ²² Øøh¹ jne⁺ hi⁻ tääh⁺ lä⁻kaa⁻ hwa¹ Judea, hi⁻ dsa⁻ñee⁺ kwaat⁻ kih¹ Cristo sa⁺ ma⁺ kyuyy⁺ jnä⁺. ²³ Koo⁻ ma⁺ nuuy⁻ lla⁺ dsa⁻ juu¹ ki⁺ jnä⁺: “Dsa⁻ñuuh⁻ hi⁻ ma⁺ jmee⁺ hña⁻ dsë¹ kyaa¹ jnääh¹ he⁺, na¹ ngëy⁺ kway⁺ juu¹ he⁻ ma⁻dsoo⁺ dsë⁻ jne⁺ la⁻, ja⁻ba⁺ juu¹ he⁻ ma⁺ hnøøy¹ ma⁺ heey¹ jää¹.”

²⁴ He⁻ja⁻ ga⁻jmeey⁺ juuh⁻ kih¹ Dio lä⁻ ma⁺ ga⁻nuuy⁺ kin⁺.

Lä⁻jëe⁻ apóstole ga⁻heeh⁻ bih¹ Paa⁺

2 ¹ Ma⁻hya⁻ gya⁻kye⁺ ji⁻ñe⁻, ja⁻ga⁺ ngaahn¹ ka⁻läh⁺ ta⁺ Jerusalén ko⁻jøh⁺ kyaah⁺ Bernabé hi⁺ ma⁺ jään⁺ Tito ka⁻läh⁺. ² Ga⁻mi⁻jnää⁻ Dio kin⁺ he⁻ jmee⁺ bii¹ naahn⁻, he⁻ja⁻ ba⁺ ngaahn¹ na⁻jmeehn⁻ juu¹ ha⁻ lä⁻ la¹ ju⁻hmëe⁺ he⁻ ga⁻kwan¹ ta⁺ jee⁺ tääh⁺ hi⁻ sa⁺ laa¹ judiu. To⁻ñe⁺ ga⁻llan¹ juu¹ kyaah⁺ ma⁻la⁺ hi⁻ kye⁻ ñe⁻ ba⁺, le⁺ ga⁻ che⁻ sa⁺ jmää¹ he⁻ jmeen⁺ la⁻ hi⁺ lä⁻kye⁻ he⁻ ga⁻jmeen¹ jää¹. ³ Pero sa⁺ cha⁻ ga⁻jäyh⁺ ni⁺ miih⁻. Hi⁺ Tito hi⁻ ma⁺ cheh¹ kyaah⁺ jnä⁺, sa⁺ ma⁺ laay¹ judiu, dsa⁻ griego ba⁺ he⁺. Ni⁺ lä⁻ja⁻ sa⁺ ga⁻jäyh⁺ jmee⁺ bii¹ uuh⁺ jmi⁻ngo¹ kiyh¹ lä⁻koo⁻ tëe⁺ jmee⁺ dsa⁻ judiu. ⁴ Sa⁺ ga⁻ti⁺ ga⁻choo⁺ jnääh¹ juu¹ he⁻ uuh⁺ jmi⁻ngo¹ kih¹ dsa⁻ wa⁻ra⁻ jäh⁺ kih¹ sa⁺ ga⁻taah⁻ ko⁻llaa⁺ dsa⁻ jee⁺ ma⁺ tøøh¹ jnääh¹, hi⁻ jäh⁺ laay¹ øøh¹ jne⁺. Hi⁻ he⁺, koo⁻ ma⁺ kooy⁺ juu¹ he⁻ ma⁺ kwan⁺ he⁻ ma⁻laa⁺ jne⁺ kih¹ dso⁻kye⁻ ta⁻la⁺ kih¹ Cristo Jesús. Sa⁺ ga⁻lä⁻hnøøy¹ he⁻ ma⁺ jäh⁺ jnääh¹ mo⁻so⁺ na⁻hñuuh⁺ jnääh¹ kyaah⁺ ley. Jëeh⁺, ma⁺ hnøøy¹ lä⁻ ma⁻na⁻hñuuh⁺ ja⁻ba⁺ jne⁺ kyaah⁺ nuuh⁻ kih¹ Moisé. ⁵ Pero ni⁺ miih⁻ sa⁺ ga⁻kwa⁺ jnääh¹ jwë¹ ma⁺ jmeey¹ lä⁻ lla⁺ dsëy¹. Hnøø⁻ jnääh¹ wa⁺ jäh⁺ ju⁻hmëe⁺ kih¹ Jesús kyah¹ hnäh⁺ lä⁻ ma⁻la¹ ja⁻ba⁺, mah¹ sa⁺ dsa⁻hi¹ ju⁻dsoo⁺.

⁶ Hi⁻ na⁻jnää⁺ kye⁻ ñe⁻ kih¹ øøh¹ jne⁺, ni⁺ miih⁻ sa⁺ cha⁻ jäyh⁺ he⁻ ma⁻hlääh⁻ kyaah⁺ juu¹ he⁻ kwan⁺. Jnä⁺ jwahn⁺ na⁻jnääy⁺ kyey⁻ ñe⁻, jëeh⁺ sa⁺ ga⁻tëen⁺ jëen⁻ kiyh¹. Kih¹ koo⁻ ba⁺ laa¹ jne⁺ cha⁻ñe⁺ Dio. ⁷ Pero dsa⁻ he⁺ sa⁺ ga⁻hay⁺ kin⁺. Ga⁻heeh⁻ bih¹ he⁻ hä⁺ goon⁺ ta⁺ he⁻ kwan⁺ ju⁻hmëe⁺ kih¹ hi⁻ sa⁺ laa¹ judiu, ja⁻ba⁺ lä⁻ hä⁺ goo⁻ Pee⁺ kway⁺ ju⁻hmëe⁺ kih¹ hi⁻ laa¹ judiu. ⁸ He⁺ ba⁺ Dio hi⁻ kwa⁺ be⁺ kih¹ Pee⁺ he⁻ laay¹ apóstol mah¹ kway⁺

juu' kih' judiu, he' ba' hi' he' na', kwa' be' kin' ka'läh' he' laan' apóstol mah' kwan' juu' kih' hi' sa' laa' judiu.

⁹ He' ja' lä'jää' hi' laa' kwaat' kye' né' kih' gwah', ga'sooyh' goo' jnääh' kyaah' Bernabé. Ma' jääy' laan' ta' ta'la' kih' he' llu' dsé' Dio kyaah' jnä', he' ja' ba' ga'jmääy' jnääh' kwaat' laa' jnääh' ma'ra' øøyh'. Hi' kye' né' he' chee' Jacobo, Pee', kyaah' Jwaa'. Ga'jäyh': "Llu' go'nääh' hnäh' kih' hi' sa' laa' judiu mah' lä'ja' jnääh' dsa'nøø' jnääh' kih' hi' laa' judiu." ¹⁰ Hi' ga'jäyh': "Hnøø' dsooh' hoh' hnäh' jmeeh' be' kih' hi' tä'nee'." Ko'ja' ba' jiih' ga'jäh' dsa' he'. Hi' ma'ra' he' jmee' ba' jnä' be' kih' hi' tä'nee'.

Ga'juuh' Paa' kih' Pee'

¹¹ Ma' ga'loo' Pee' Antioquia ga'juuhn' kiyh' to'lo' né' dsa', jääh' lä'ja' hnøø' kiyh' kyaah' he' hliih' he' ga'jmeey' ja'. ¹² Jää' sa' ga' ma'lla'nää' ko'llaa' dsa' hi' ga'chee' Jacobo, ma' kuh' Pee' ko'joh' kyaah' hi' sa' laa' judiu. Pero ma' ga'lla'nää' dsa' judiu he', ga'tää' Pee' hñii', ya'hääy' jee' kih' hi' sa' laa' judiu, kih' he' goyh' kyaah' hi' ga'lla'nää' he' hi' jäh' jmee' bii' uuuh' jmi'ngo' jnän'. ¹³ Hi' lä'ja' ga'jmeey' jñah' judiu ga'tääy' hñiiy', hi' lä'jiih' Bernabé ga'tää' hñii' ma' ga'jääy' ga'jmeey' Pee' to' dsé'. ¹⁴ Lä'koo' ma' ga'jää' dsa' he' mo'so' jmeey' lä'koo' lle' kih' ju'dsoo' he' la' ju'hmää', he'ja' ga'jwiin' Pee' cha'né' jee' lä'jää' dsa': "Hne' laah' judiu, ma'tuh' ma' jmeeh' lä'koh' ma' tää' jne' jmeen' mah' ma'løøh' jmeeh' ko'joh' kyaah' hi' sa' laa' judiu. Pero na', ma'te'h' hñaa'h' mah' jmeeh' ka'läh' lä'koh' jäh' nuuh' ma'gyuh' ja'. ¿Che' sa' neh' he' jmeeh' wi' kih' hi' sa' laa' judiu mi'tey' nuuh' ma'gyuh' ja', kih' he' ma'te'h' hñaa'h'?"

¹⁵ He' ga'lä'chaa' jne' laa' jne' judiu, sa' laa' jne' wa' hi' cha' hi' hi' jmee' he' hliih' lä'koo' laa' jñah' dsa'. ¹⁶ Pero na' ma'né' ba' jne', sa' jä' dsa' llu' cha'né' Dio kyaah' he' mi'tey' ley jnän'. Hnøø' dsoo' dsé' jne' kih' Jesucristo ba'. He'ja' lä'kye' jne' dsa' judiu ga'jmeey' jne' dsoo' mah' jmää' jne' kih' Dio kyaah' he' ma'dsoo' dsé' jne'. Pero ja' kih' he' ma'mi'te' jne' ley. Jääh' ni' jaa' dsa' sa' ya'hääy' lluu' kih' he' høøy' nuuh' ja'.

¹⁷ He' hnøøh' jne' ha' lä' jee' hwää' jne' lluu' ta'la' kih' Cristo, lä'ja' ma'lä'jnä' lä'kye' jne' judiu laa' jne' dsa' hi' jmee' dso'kye'. ¿Che' jwa' jäh'n' Cristo dsää' dsoo' he' tøøh' jne' kyaah' dso'kye'? Ni' miih' sa' la' lä'ja'. ¹⁸ Hi' cher'mah' ga'løø'n' høø'n' ka'läh' ley he' ma'ben', he' ma'bäähn' hñiin' dsoo' ba' ja'. ¹⁹ Jääh', lä' ma' ga'lä'ngää'n' he' ää' jmi' juun' lä'lle' ley, ga'tun' he' ma'kyen' o'joh' dsé' kih' ley. La' lä'koh' he' na'juun' kih' ley mah' jmeen' ta'he' kih' Dio ba'. ²⁰ La' kwaat' lä'koh' he' ga'juun' ko'joh' kyaah' Cristo dsoh' hma'cru'. Mo'so' chaan' lä' hnoon' hñiin'. Cristo hi' jmee' ko'joh' kyaah' jnä', he'ja' ba' jmee' chaan'. Hi' lä' ma'dsoo' ja' ba' dsän' kih' Joø' Dio, hi' hnää' jnä' hi' ga'ngääy' hñiiy'

ga⁺juuy¹ ki⁺ jnä^ʔ. He⁻ja⁻ ba⁺ na⁻ chaan⁻ na¹. ²¹ Sa⁺ jmeen⁻ ta⁺ koo^ʔ he⁻ llu¹ dsé¹ Dio kyaah^ʔ jne^ʔ. Jëeh^ʔ, cher^ʔmah¹ ga⁺jä^ʔ dsa⁻ llu¹ cha⁻në^ʔ Dio kyaah^ʔ he⁻ mi⁻tey¹ ley, he⁻ la^ʔ ga⁺juu¹ ba⁺ Cristo.

Kih¹ he⁻ ma⁻dsoo^ʔ dsë⁻ jne^ʔ he⁻ja⁻ ba⁺ lää^ʔ jne^ʔ

3 ¹ iHe⁻ ba⁺ che⁻ taah⁻ hnäh^ʔ dsa⁻ chaä⁻ Galacia! ¿Hii⁻ ga⁺mi⁻gaa⁻ hnäh^ʔ? Ga⁺hlëehn⁻ hnäh^ʔ na⁻hña¹ lä⁺jëë⁻ ha⁻ lä⁺ ga⁺juu¹ Jesucristo dsöh^ʔ hma⁻cru⁻. ² Koo⁻ ga⁺ juu¹ ngiin^ʔ kyah¹ hnäh^ʔ. ¿Ha⁻ lä⁺ ga⁺tëeh^ʔ hnäh^ʔ Jmi⁻lle^ʔ Na⁻jngii^ʔ? ¿Che^ʔ kih¹ he⁻ ga⁺mi⁻teh⁻ hnäh^ʔ ley kih¹ Moisé, o che^ʔ kih¹ he⁻ ma⁻dsoo^ʔ hoh^ʔ hnäh^ʔ kih¹ juu¹ he⁻ ma⁻nueh⁻ hnäh^ʔ, he⁻ja⁻ ga⁺tëeh^ʔ hnäh^ʔ Jmi⁻lle^ʔ Na⁻jngii^ʔ? ³ Peer⁺ taah⁻ hnäh^ʔ. Ga⁻løøh⁻ ba⁺ hnäh^ʔ llu¹, kyaah^ʔ be^ʔ kih¹ Jmi⁻lle^ʔ Na⁻jngii¹. Hi⁻ na¹ na⁺, hnooh⁻ hnäh^ʔ go⁺nääh¹ hnäh^ʔ ta⁺ cha⁻në^ʔ kyaah^ʔ be^ʔ kyah¹ hñaah¹ hnäh^ʔ. ⁴ ¿Che^ʔ sa⁺ ga⁺jmää^ʔ kyah¹ hnäh^ʔ lä⁺jë⁺ he⁻ ga⁺ngëeh^ʔ hnäh^ʔ? Go⁻ laan⁺ ga⁺jmää^ʔ ba⁺.

⁵ Ga⁻kwëeh¹ Dio hnäh^ʔ Jmi⁻lle^ʔ kiyh¹ hi⁻ ngoo¹ ba⁺ jmeey⁺ cha⁻miih⁻ he⁻ juh⁻gaa⁻ jee^ʔ kyah¹ hnäh^ʔ. ¿He⁻la¹ jmeey⁺ lä⁺ja⁻, che^ʔ kih¹ he⁻ ga⁺mi⁻teh⁻ hnäh^ʔ ley o che^ʔ kih¹ he⁻ ma⁻dsoo^ʔ hoh^ʔ hnäh^ʔ juu¹ he⁻ ma⁻nueh⁻ hnäh^ʔ?

⁶ Lä⁻la⁻ ga⁻la¹ kih¹ Abraham. Ga⁻jmeey^ʔ dsoo^ʔ dsëy¹ kih¹ Dio he⁻ja⁻ ga⁺jmeey^ʔ Dio kwaat⁻ laay¹ jaa⁻ hi⁻ lluu¹. ⁷ Heh¹ lä⁺ja⁻, hnøø¹ lä⁺ngëeh^ʔ hnäh^ʔ, lä⁺jëë⁻ hi⁻ jmee⁺ dsoo^ʔ dsë¹ kih¹ Dio laay¹ lä⁺koo⁻ joo^ʔ Abraham.

⁸ Jää¹ ba⁺ ga⁺jäh^ʔ juu¹ kih¹ Dio ha⁻ lä⁺ jmeey¹ ta⁺ cha⁻në^ʔ, he⁻ jmeey¹ kwaat⁻ lluu¹ hi⁻ sa⁺ laa¹ judiu cher^ʔmah¹ ga⁺jmeey^ʔ dsoo^ʔ dsëy¹. Jëeh^ʔ, llo⁺joo¹ ba⁺ ga⁺jmeey^ʔ Dio juu¹ kih¹ Abraham ha⁻ lä⁺ la¹ ju⁺hmëe^ʔ kiyh¹, lä⁺ ma⁺ ga⁺siiyh⁺: “Ta⁻la⁺ kyah¹ hne⁻ ba⁺ mi⁻jään⁻ ga⁻lä⁺jëë⁻ dsa⁻ jmi⁻gyuu⁻.”

⁹ He⁻ja⁻ ga⁺lä⁺jëë⁻ dsa⁻ hi⁻ jmee⁺ dsoo^ʔ dsë¹ kih¹ Dio ma⁻na⁻jääy⁻ ko⁻joh^ʔ kyaah^ʔ Abraham, hi⁻ ga⁺lä⁺dsoo^ʔ dsë¹ jää¹.

¹⁰ Pero lä⁺jëë⁻ hi⁻ ga⁺nää⁺ høø⁺ ley kih¹ Moisé, ma⁻cha⁻ dso⁺jwi^ʔ në^ʔ kiyh¹. Lä⁺koo⁻ na⁻si⁻: “Dso⁺jwi^ʔ ba⁺ kyaah^ʔ lä⁺jëë⁻ hi⁻ sa⁺ tää⁺ høø⁺ lä⁺hi⁺ në^ʔ he⁻ na⁻si⁻ ley ja⁻.” ¹¹ Jëë⁻ go⁻te⁻ ba⁺ la¹, sa⁺ chaä⁻ ni⁻ jaa⁻ hi⁻ lluu¹ cha⁻në^ʔ Dio kyaah^ʔ he⁻ høøy⁺ ley. Lä⁻la⁻ ba⁺ na⁻si⁻ juu¹ kih¹ Dio: “Pero dsa⁻ hi⁻ lluu¹, kyaah^ʔ he⁻ ma⁻dsoo^ʔ dsëy¹, jmee⁺ chaay⁻.” ¹² Ley kih¹ Moisé sa⁺ hlëeh⁺ kih¹ he⁻ jmeen⁻ dsoo^ʔ dsë⁻ jne^ʔ. Lä⁻la⁻ ba⁺ jäh^ʔ ley ja⁻:

“Cher^ʔmah¹ hi⁻ ga⁺mi⁻te¹ kih¹, lä⁺ ma⁻jiiyh⁺ ja⁻ ba⁺ kyaah^ʔ ley ja⁻.”

¹³ Pero Cristo, kyaah^ʔ jma⁻ kih¹, ga⁺lääy¹ jne^ʔ kih¹ dso⁺jwi^ʔ he⁻ gwa⁺ ta⁻la⁺ kih¹ ley. Ga⁺heeyh⁻ ja¹ dso⁺jwi^ʔ në^ʔ kiyh¹ he⁻ la¹ kwaat⁻ jnän⁻. Jëeh^ʔ, lä⁻la⁻ na⁻si⁻ ley ja⁻: “Dso⁺jwi^ʔ ba⁺ kyaah^ʔ lä⁺jëë⁻ hi⁻ na⁻hëë⁻ dsöh^ʔ hma⁻.” ¹⁴ Lä⁺ja⁻, ta⁻la⁺ kih¹ Cristo Jesús mi⁻jää¹ Dio lä⁺jëë⁻ hi⁻ sa⁺ laa¹ judiu ja⁻ba⁺ lä⁺koh^ʔ ga⁺mi⁻jääy¹ Abraham. Hi⁻ lä⁺ja⁻, ta⁻la⁺ kih¹ he⁻ ma⁻dsoo^ʔ dsë⁻ jne^ʔ, hñah⁺ jne^ʔ Jmi⁻lle^ʔ kih¹ Dio he⁻ ga⁺bääyh⁻ hñiiy^ʔ kwëëyh¹ jne^ʔ.

He la hmooh' he ga'jmeé' Dio kyaah' Abraham

¹⁵ Jëé da' hnäh' øøhn' ha la' jmeé' jne' hi' laa' dsa' jmi'gyuu'. Cher'mah' ga'jmeé' jne' koo' hmooh', sa' le' heen' hmooh' ni' sa' le' jmeen' na'dsë' ga', koo' hä' ba' ma'jmeen' hmooh'. ¹⁶ Hi' ga'jmeé' Dio koo' hmooh' kyaah' Abraham, ga'bääh' hñiiy' ha la' jmeey' kih' Abraham hi' kih' sa'ju' kiyh'. Pero sa' ga'jah' Dio: "La' kih' lä'jëé' sa'ju' kyah'." He' ma'jmeé' Dio hmooh' kyaah' jwëé' dsa' wa'ra' jah' kih' lä'ja' la' juu'. Lä'la' ba' ga'jäyh': "La' kih' ma'la' jaa' dsa' kyaah' ba'." He'ja' ga'hleëyh' kih' jaa' dsa' ba', hi' he' he' Cristo. ¹⁷ Lä'la' jwahn'. Lä' ma' to'në' ga'jmeé' Dio koo' hmooh' kyaah' Abraham. Ma'hya' kye' hña'loo' na'dsë' gyii'gya' jñe', ja'ga' ja' ley kih' Moisé. Pero ley ja', sa' ga'hee' hmooh' he' ga'jmeé' Dio jää'. Sa' ga'jmää' ta' he' ga'bääh' Dio hñii' kyaah' Abraham, wa'ra' jah' kih' lä'ja' la'. ¹⁸ Jëéh', cher'mah' ga'hyoh' dsa' hee' ta'la' kih' he' mi'tey' ley ja', mo'so' la' kwaan' he' ga'hyoyh' ta'la' kih' he' ga'bääh' Dio hñii' kyaayh'. Pero ga'hyoh' Abraham hee' la' ga'hyoyh' ba', lä'llu' he' ga'bääh' Dio hñii' kyaayh'.

¹⁹ ¿Hee' kih' jmää' ley kih' Moisé ja'? La' miih' he' na'dsë' ba' ja', kih' he' cha' dso'kye' kih' dsa' jmi'gyuu'. Hi' ga'jä' lä'ja' ba' ley ja' lä'jiih' ja' hi' laa' sa'ju' kih' Abraham lä'koh' la' hmooh' he' ga'bääh' Dio hñii'. Heh' lä' ma' ga'nøø' ley ja', ma' chaa' jaa' dsa' hi' ga'ngëé' ley ja' kih' dsa'kyaayh' hi' ma' tääh' ángele ka'läh' hi' ga'kwa' be' mah' ngëey' juu' ja'. ²⁰ Pero cher'mah' jaa' dsa' lla' dsë' jmeé' koo' hmooh' lä'koo' la' huü'dsë' kih' hñiiy', sa' jmeé' bii' jñah' hi' kwa' be' cher'mah' lä'ja' la' huü'dsë' kiyh'. Hi' jaa' ba' Dio chaa', hñii' bih' ga'hleëyh' kyaah' Abraham lä'koo' ma' ga'jmeey' hmooh' kyaayh'.

²¹ ¿Che' ha' ley kih' Moisé kyaah' he' ga'bääh' Dio hñii' jmeé'? Ni' miih' sa' la' lä'ja'. Wa'ra' jah' kih' cha' ley he' kwa' Dio he' jmeé' chaa' dsa', lä'ja' ba' lluu' dsa' kyaah' ley ja', wa'ra' jah' kih' lä'ja' la'. ²² Pero në' ley ja' na'sii' lä'la'. Ga'lä'jëé' ba' dsa' na'hñuuh' kyaah' dso'kye'. Mah' lä'ja', kih' he' ma'dsoo' dsë' jne' kih' Jesucristo, hñah' jne' he' ga'bääh' Dio hñii' kway'.

²³ Jää' sa' ma' cha' juu' he' hnøø' jmeen' dsøø' dsë' jne', ma' tøøh' jne' lä'hii' kih' ley. Lä'ja' ma' tøøh' jne' lä'jiih' ga'lä'jnä' juu' he' hnøø' jmeen' dsøø' dsë' jne'. ²⁴ Ley ja' ma' hää' jne' jää' hi' ma' jøø' jnän' mah' tëéh' jne' kih' Cristo. Heh' lä'ja' hwëé' jne' lluu' kyaah' he' ma'dsoo' dsë' jne' kiyh'. ²⁵ Na' he' ma'dsoo' dsë' jne', mo'so' tøøh' jne' kyaah' ley he' ma' hää' jne'.

²⁶ Ga'lä'jëé' ba' jne' laa' jne' joo' Dio ta'la' kih' he' ma'dsoo' dsë' jne' kih' Cristo Jesús. ²⁷ Jëéh' lä'jëé' hi' ma'na'saa' jmi' kyaah' Jmi'lle' Na'jngii', ma'laay' koo' kyaah' Cristo, la' lä'koo' he' ma'kyeyh' hmiih' hmëé'. ²⁸ He'ja' koo' ba' laa' lä'jëé' jne' cha'në' Dio. Jee' oo' sa' chaa' hi' laa' judiu, ni' hi' laa' griego, sa' chaa' hi' na'hneé' jmeé' ta' kih' dsa'

ni⁺ hi⁻ sa⁺ na⁻hnëé', sa⁺ chaa⁻ dsa⁻më' dsa⁻nũuh⁻. Jaa⁻ ba' laa⁺ jne' kyaah⁺ Cristo Jesús. ²⁹ Cher'mah⁺ laa⁺ jne' kyaa⁺ Cristo, ja⁻ba' lä⁻ja⁻ laa⁺ jne' sa'ju⁻ kih⁺ Abraham. Hi⁺ cha⁻ ba' hee⁻ jne' he⁻ ga⁻bääh⁻ Dio hñii' kway⁺.

4 ¹ Lä⁻la⁻ na⁻ jwahn⁺: Jaa⁻ chih⁻ hi⁻ lle⁻ kih⁺ hyoh⁺ he⁻ ga⁻tëëy⁺ hyoyh⁺ kih⁺ jmiiy⁻, ma⁺ke⁺ la⁺ kwaat⁻ hyoh⁺ bih⁺ heey⁻, kwee⁻ ba' laay⁺ kyaah⁺ hi⁻ na⁻hnëé' jmee⁺ ta⁺ kih⁺ jmiiy⁻ ta⁺ko⁻jiih⁺ mäyh⁺. ² He⁻ja⁻ ba' chaa⁻ ta⁻jwoh⁺ kyaa⁺ chih⁻ hi⁺ chaa⁻ hi⁻ hääy⁻ lä⁻jiih⁺ lloo⁻ jmií⁺ he⁻ jäh⁺ jmiiy⁻ hyoyh⁺ heey⁻. ³ Ja⁻ba' lä⁻ja⁻ ma' laa⁺ jne' jää⁺, ta⁺ko⁻jiih⁺ sa⁺ ga⁺ ma⁻heeh⁺ jne' kih⁺ Cristo. Jiih⁺ ja⁻ ma' na⁻hnëé' jne' ma' jmee⁻ jne' lä⁻ko⁻tëë⁺ dsa⁻ jmee⁺ jmi⁻gyuu⁺ la⁻. ⁴ Pero ma' ga⁻dsëë⁺ jmií⁺, ga⁻chee⁺ Dio joo⁺ hi⁻ ga⁻lä⁻chaa⁺ kih⁺ jaa⁻ dsa⁻më', hi⁺ ga⁻lä⁻chaay⁺ na⁻jnäy⁺ kih⁺ ley. ⁵ Jay⁺ mah⁺ lääy⁺ jne' hi⁻ na⁻hñuuh⁺ lä⁻hih⁺ kih⁺ ley, mah⁺ lee⁺ jne' ma⁻ra⁺ joo⁺ Dio ba'. ⁶ Kih⁺ he⁻ laa⁺ jne' jooy⁺, he⁻ja⁻ ga⁻chee⁺ Dio Jmi⁻lle⁺ kih⁺ gyuu⁻ kyaay⁺ neh⁺ tuh⁻dsë⁻ jne'. Hi⁺ ja⁻ba' Jmi⁻lle⁺ ja⁻ hi⁻ siih⁺ Dio lä⁻la': "Abba", he⁻ hnø⁺ jäh⁺ tää⁻ kyaan⁺. ⁷ He⁻ja⁻ mo⁻so⁻ laa⁺ jne' dsa⁻ hi⁻ na⁻hnëé', laa⁺ jne' ma⁻ra⁺ jooy⁺ ba'. Hi⁺ kih⁺ he⁻ laa⁺ jne' jooy⁺, hñah⁺ ba' jne' heen⁻ he⁻ kwa⁺ Dio ta⁻la⁻ kih⁺ Cristo.

Peer⁻ lle⁻ dsë⁺ Paa⁺ kih⁺ dsa⁻ chaa⁻ Galacia

⁸ Jää⁺ sa⁺ ga⁺ ma⁻heeh⁻ hnäh⁺ kih⁺ Dio, ma' laah⁺ hnäh⁺ lä⁻ko⁻ dsa⁻ hi⁻ na⁻hnëé', ga⁻jmeé⁺ hnäh⁺ he⁺ kih⁺ lä⁻jëë⁺ dio hi⁻ na⁻laa⁻ kaah⁻ dsa⁻. ⁹ Pero na⁺ ma⁻kyuu⁻ hnäh⁺ miih⁻ kih⁺ Dio. Llu⁺ ga⁺ he⁻ jwahn⁺ lä⁻la⁻, ma⁻kyuu⁺ Dio hnäh⁺. ¿Hee⁻ ba' la⁺ ma⁻jeeh⁻ hnäh⁺ ta⁺ ka⁻luu⁺ mah⁺ jmeeh⁻ hnäh⁺ lä⁻ko⁻tëë⁺ dsa⁻ jmee⁺ jmi⁻gyuu⁺ la⁻, jmeeh⁻ hnäh⁺ he⁺ kih⁺ juu⁺ he⁻ sa⁺ kyeé⁺ ni⁺ miih⁻? ¿Che⁻ hnooh⁻ hnäh⁺ jäh⁺ na⁻hnëéh⁺ hnäh⁺ ka⁻läh⁺ lä⁻koh⁺ ma⁺ tääh⁺ hnäh⁺ jää⁺? ¹⁰ Høøh⁻ hnäh⁺ jmií⁺, jmeeh⁻ hnäh⁺ lä⁻ko⁻tëë⁺ dsa⁻ jmee⁺ kih⁺ lä⁻jaa⁻ sih⁻, hi⁺ lä⁻ja⁻ ka⁻läh⁺ he⁻ jmee⁺ dsa⁻ lä⁻ko⁻ji⁻ñe⁻ hi⁺ he⁻ ga⁻jyoh⁺ jmií⁺ he⁻ tëë⁺ dsa⁻ jmee⁺. ¹¹ He⁻ja⁻ jmeen⁺ cha⁻miih⁻ hũũ⁻dsë⁻ kyah⁺ hnäh⁺, le⁺ ga⁻che⁻ sa⁺ ga⁻jmää⁺ ta⁺ he⁻ ga⁻jmeen⁺ jee⁺ kyah⁺ hnäh⁺.

¹² Chuun⁺ kyaah⁺ hnäh⁺ øøhn⁺, wa' la⁺ hũũ⁻dsë⁻ kyah⁺ hnäh⁺ lä⁻ko⁻ la⁺ hũũ⁻dsë⁻ kin⁺. Ni⁺ miih⁻ he⁻ hliih⁺ sa⁺ cha⁻ he⁻ ga⁻jmeeh⁺ hnäh⁺ kin⁺ lä⁻ ma⁺ gyan⁺ kyaah⁺ hnäh⁺. ¹³ Neh⁺ ba' hnäh⁺, kih⁺ he⁻ ga⁻lä⁻dsaah⁻ ba' jnä⁺, he⁻ja⁻ ba' ga⁻kwan⁺ ju⁻hmëé⁺ kyah⁺ hnäh⁺ lä⁻ ma⁺ to⁻në⁻. ¹⁴ Ma⁺ke⁺ ga⁻jëeh⁻ hnäh⁺ wii⁺ kih⁺ he⁻ ma⁺ dsaahn⁺, pero sa⁺ ga⁻mi⁻kwah⁻ hnäh⁺ jnä⁺. Ma⁻ra⁺ he⁻ ga⁻jmääh⁻ ba' jnä⁺ he⁺ lä⁻ko⁻ jaa⁻ ángel kyaa⁺ Dio, hi⁺ ga⁻heeh⁻ ba' jnä⁺ lä⁻ko⁻ hñii⁺ Cristo Jesús. ¹⁵ ¿Hee⁻ ga⁻la⁺ kyah⁺ hnäh⁺? ¿He⁻la⁺ mo⁻so⁻ jëë⁻ hoh⁺ hnäh⁺? Jnä⁺ jmeen⁺ ju⁻dsoo⁺ kyah⁺ hnäh⁺, llu⁺ jwërte hoh⁺ hnäh⁺ kyaah⁺ jnä⁺, lä⁻jiih⁺ hnooh⁻ hnäh⁺ ma⁺ lleh⁺ hnäh⁺ mi⁻nëh⁺ mah⁺ ma⁺ kwëeh⁺ jnä⁺ wa⁻ra⁻ jäh⁺ kih⁺ ma⁺ le⁺ ba'. ¹⁶ ¿Che⁻ na⁻hääh⁻ hnäh⁺ jnä⁺ kih⁺ he⁻ ma⁻hlëéh⁻ hnäh⁺ ma⁻ra⁺ ju⁻dsoo⁺?

¹⁷ Chaa⁻ ko⁻llaa⁻ dsa⁻ hnooyh⁻ ha⁻ lä⁻ jwë⁺ jee⁺ lä⁻jwah⁺ hnäh⁺ kyaayh⁺. Pero sa⁺ llu⁺ hũũ⁻dsë⁻ kiyh⁺. Hnøøy⁺ jmeeh⁺ hnäh⁺ ta⁻ koo⁺ kyaa⁺ jnääh⁺ mah⁺ jmeeh⁺ hnäh⁺ ta⁻he⁺ kiyh⁺. ¹⁸ Llu⁺ ba' he⁻ hnää⁺ dsa⁻ hnäh⁺ cha⁻miih⁻

pero kyaah' koo- nee' ba' huudsē hi' ga-lä-jē' jmi' ba'. Ja' ma-la' ta'ko-jiih' gyan' kyaah' hnäh'. ¹⁹ Peer' hnaan' hnäh' gyuu- kyaan'. iHe- ba' che- jii' kin' kwaat~ kyah' hnäh'! Lä-koo- la' kih' jaa- dsa-mē' wa-ra- ngoo' ga-lä-chaä' gyuu- kyaay', lä-ja- la' kin' he- hnoon' go-nääh' hnäh' ta' cha-nē' lä-jiih' leeh' hnäh' lä-koo- laa' hñii' Cristo. ²⁰ Hnoon' wa-ra- jäh' kih' na' ga-juh- tøøh' jne' ko-jøh'. Ma'ja- le' hlëehn' hnäh' lä- hnøø' kyah' hnäh'. Jëeh' na' sa' man' go-te' he- huudsē kan' kyah' hnäh'.

Juu' na-hmää' kih' Agar kyaah' Sara

²¹ Hnäh' hi- hnøø' høø' ley kih' Moisé, ngiin' juu' kyah' hnäh'. ¿Che' sa' ma-nuuh- hnäh' lä-koo- jäh' ley ja-? ²² Nē' ley ja- na-sii- lä-la-: Uu' ba' joo' Abraham ma' chaä-. Jaa- jooy' ga-lä-chaä' kyaah' dsa-mē' hi- ma' na-hnëe' hi' jaa- jooy' ga-lä-chaä' kyaah' ma-ra' mēy'. ²³ Jooy' hi- ga-lä-chaä' kyaah' hi- na-hnëe' he', ga-lä-chaay' lä-koh' dsa-lä-chaä- wa' hi- cha- hi- dsa-. Pero jooy' hi- ga-lä-chaä' kyaah' ma-ra' mēy', ga-lä-chaay' kih' lä-ja- ba' ga-bääh- Dio hñii' kyaah' chooy'. (Hi- na-hnëe' he' ma' chee- Agar, hi' hi- ma-laa' ma-ra' mēy' ma' chee- Sara.) ²⁴ Kyaah' juu' kih' lä-uu' dsa-mē' he', le' hwëe' ga' jne' cha-ga-miih- juu'. Wa' kye' da' jne' kwaat~ lä-uu' dsa-mē' he' laay' lä-koh' to' hmooh' he- ga-jmee' Dio. Koo- hmooh' ga-jmee' Dio ta' moh' Sinaí lä' ma' ga-nøø' ley kih' Moisé. Lä-jëe' dsa- hi- ma' na-jnääh' kih' hmooh' ja-, hi- he' laa' hi- na-hnëe' ba'. Hi' hmooh' ja- laa' kwaat~ Agar. ²⁵ Hi' Agar he' laa' kwaat~ moh' Sinaí he- nøø' hwa' Arabia hi' laay' lä-koh' jwii- Jerusalén he- hla- jmi-gyuu- la-. Na-hñii' jwii- ja- lä-kye- dsa- kyaay' kih' he- täayh' jmeey' ta' he' kih' ley ja-. ²⁶ Pero jwii- Jerusalén he- nøø' gyuuh', sa' na-hñii', he- ja- la' kwaat~ lä-koo- Sara maa' jnan'. ²⁷ Jee' na-sii- juu' kih' Dio (jäh' lä-la- kih' lä-uu' dsa-mē' he')

Wa' chaah- hne- llu', hne- hi- sa' chaä- ni' jaa- gyuu- kyaa'.

Wa' jëe- hoh' jwërte, jmee' cha-miih- miih',

hne- sa' ma-jëeh' wi' lä-koh' ga' jñah' dsa-mē' hi- dsa-lä-chaä- joo'.

Jëeh', lä-jwëe' ga' joo- hne- hi- ga-jä' hñii', lä-koh' ga' hi- chaä- dsa-nuuh- kyaa'.

²⁸ Lä-ja- øøhn', laa' jne' ja- ba' lä-koh' Isaac, jëeh' laa' jne' joo' Dio lä-llu' he- ga-bääh- hñiiy' kyaah' Abraham. ²⁹ Pero lä-la- ba' ga-ngëe' lä-uu' joo' dsa-mē' he'. Jooy' hi- ga-lä-chaä' lä-koh' dsa-lä-chaä- wa' hi- cha- hi- dsa-, ga-jmeeyh' Isaac hi- ga-lä-chaä' kyaah' be' kih' Jmi-llē' kih' Dio. Hi' lä-ja- la' lä-jiih' na', jmeeh' dsa- hi- ma-laa' kyaa' Jmi-llē' kih' Dio. ³⁰ Nuuh- da' ha- lä' jäh' juu' kih' Dio: "Bee- go-te' dsa-mē' hi- na-hnëe' na- kyaah' jooy'. Joo' dsa-mē' hi- na-hnëe' na- sa' cha- lle' kih' hyoyh' ni' miih- lä-koh' te' hyoh' joo' mē' Abraham." ³¹ Lä-ja- øøhn', sa' laa' jne' joo' hi- na-hnëe' he', laa' jne' lä-koo- joo' mē' Abraham ba'.

Sa⁺ wa⁺ jmee⁺ jne⁺ ta⁺ koo⁺ he⁻ ma⁻ na⁻ laa⁺ jne⁺

5 ¹ Ga⁻lää⁺ Cristo jne⁺ mah⁺ dsa⁺toohn⁺ na⁻ laa⁺ jne⁺. He⁻ ja⁻ jä⁺ hnäh⁺ koo⁻ hweh⁻ lä⁺ koh⁺ ma⁻ tääh⁺ hnäh⁺ na⁻ ba⁺. Ta⁺ kwaä⁺ hnäh⁺ hñaah⁺ leeh⁺ hnäh⁺ ka⁻ läh⁺ lä⁺ koo⁻ jaä⁻ hi⁻ na⁻ hnëë⁺ jmee⁺ ta⁺.

² Nuuh⁻ da⁺ hnäh⁺, jnä⁺ Paa⁺ jwëëhn⁻ hnäh⁺. Cher⁺ mah⁺ ga⁻ wih⁺ jmi⁻ ngo⁺ kyah⁺ hnäh⁺ sa⁺ jmää⁺ ni⁺ miih⁻ kyah⁺ hnäh⁺ he⁻ ga⁺ juu⁺ Cristo. ³ Jwahn⁺ ka⁻ läh⁺ lä⁺ hmëë⁺. Ga⁻ lä⁺ jëë⁺ dsa⁻ nuuh⁻, cher⁺ mah⁺ ga⁻ wih⁺ jmi⁻ ngo⁺ kiyh⁺, jmee⁺ bii⁺ mi⁻ tey⁺ lä⁺ hii⁺ në⁺ he⁻ lle⁻ në⁺ ley⁺ kih⁺ Moisé. ⁴ Hnäh⁺ hi⁻ hnooh⁻ ha⁻ lä⁺ jee⁺ hwëëh⁺ hnäh⁺ lluu⁺ kyaah⁺ he⁻ mi⁻ teh⁻ hnäh⁺ ley, he⁻ ma⁻ jmeeh⁺ hnäh⁺ ta⁺ koo⁺ kih⁺ Cristo ba⁺ ja⁻. Ma⁻ hwëëh⁻ hnäh⁺ jee⁺ mi⁻ jää⁺ Dio hnäh⁺. ⁵ Pero jnääh⁺, jmee⁻ jnääh⁺ dsöö⁺ dsë⁻ jnääh⁺ kih⁺ Cristo kyaah⁺ be⁺ kih⁺ Jmi⁻ lle⁺, he⁻ ja⁻ cha⁻ o⁻ jøh⁺ dsë⁻ kyaä⁺ jnääh⁺ hwëë⁺ jnääh⁺ lluu⁺. ⁶ He⁻ ma⁻ laa⁺ jne⁺ koo⁻ kyaah⁺ Cristo Jesús, sa⁺ cha⁻ he⁻ jmee⁺ che⁺ ga⁻ wih⁺ jmi⁻ ngo⁺ jnän⁻ o sa⁺ ga⁻ wih⁺. Koo⁻ ba⁺ he⁻ kyeë⁺ jee⁺ lä⁺ jë⁺: he⁻ dsöö⁺ dsë⁻ jne⁺ kih⁺ Dio, he⁻ mi⁻ jnää⁺ he⁻ hnää⁺ jne⁺ dsa⁻ kyaahn⁺.

⁷ Ma⁺ ga⁻ nääh⁺ ba⁺ hnäh⁺ llu⁺ jää⁺. ¿Hi⁻ na⁻ ga⁻ ha⁺ kyah⁺ hnäh⁺, he⁻ ja⁻ mo⁺ so⁺ høøh⁻ hnäh⁺ ju⁺ dsöö⁺? ⁸ Juu⁺ he⁻ ga⁻ taayh⁻ hnäh⁺ na⁻, sa⁺ ja⁺ kih⁺ Dio hi⁻ ga⁻ tëeh⁺ hnäh⁺. ⁹ (Hi⁺ juu⁺ na⁻ la⁺ lä⁺ koh⁺ levadura.) Jëëh⁺ “miih⁻ ba⁺ levadura lee⁻ kaah⁺ dsa⁻ lä⁺ kaa⁻ koo⁻ nää⁺ tu⁺ ka⁺.” ¹⁰ Kye⁺ ba⁺ jnä⁺ o⁻ jøh⁺ dsë⁻ kih⁺ Dsa⁻ jøøh⁺ jnän⁻, go⁺ sa⁺ jmeeh⁺ ga⁺ hnäh⁺ jyoh⁺ huü⁺ dsë⁻ lä⁺ koh⁺ ga⁺ he⁻ jmee⁺ jnä⁺. Pero dsa⁻ hi⁻ kah⁻ gwëh⁻ huü⁺ dsë⁻ kyah⁺ hnäh⁺, hi⁻ he⁺ mi⁻ hmaah⁻ kih⁺ lä⁺ jë⁺ he⁻ jmeey⁺, sa⁺ cha⁻ he⁻ jmee⁺ wa⁺ he⁻ cha⁻ he⁻ he⁻ laay⁺.

¹¹ Øøhn⁺, ko⁻ llaa⁺ dsa⁻ jäh⁺ kin⁺ he⁻ kwa⁺ ga⁺ jnä⁺ juu⁺ he⁻ jmee⁺ bii⁺ uuuh⁺ jmi⁻ ngo⁺ kih⁺ dsa⁻ nuuh⁻. Pero ta⁻ juuy⁺ ba⁺. Jëëh⁺, wa⁺ ra⁻ jäh⁺ kih⁺ ga⁻ tun⁺ kwan⁺ juu⁺ he⁻ ga⁺ juu⁺ Jesús dsöh⁺ hma⁻ cru⁻, mo⁺ so⁺ cha⁻ he⁻ kih⁺ tøh⁺ wii⁺ kih⁺ dsa⁺, hi⁺ lä⁺ ja⁻ mo⁺ so⁺ jmeeh⁺ gyih⁺ jnä⁺. ¹² He⁻ ja⁻ na⁻ jwahn⁺, lä⁺ jëë⁺ hi⁻ kah⁻ gwëh⁻ huü⁺ dsë⁻ kyah⁺ hnäh⁺, llu⁺ ga⁺ hnäy⁺ go⁻ te⁻ he⁻ kyeey⁻ jay⁺ jmi⁻ gyuu⁺ la⁻.

¹³ Ga⁻ tëeh⁺ Dio jne⁺ øøhn⁺, mah⁺ dsa⁺ toohn⁺ na⁻ laa⁺ jne⁺. Pero ja⁺ kih⁺ he⁻ ja⁻ na⁻, cha⁻ jwë⁺ jnän⁻ jmeen⁺ wa⁺ he⁻ cha⁻ he⁻ lä⁺ hyoh⁻ dsë⁻ jne⁺. Wa⁺ jmeen⁺ be⁺ kih⁺ dsa⁻ kyaahn⁺ ba⁺, kih⁺ he⁻ hnää⁺ jne⁺ øøh⁺ jne⁺. ¹⁴ Jee⁺ kih⁺ lä⁺ jë⁺ nuuh⁻ he⁻ ga⁻ kwa⁺ Moisé ya⁻ hii⁺ koo⁻ nuuh⁻ la⁻: “Wa⁺ hnaah⁺ hnäh⁺ dsa⁻ kyaah⁺ hnäh⁺ lä⁺ koh⁺ hnaah⁺ hñaah⁺.” ¹⁵ Pero cher⁺ mah⁺ kuh⁻ hih⁺ hnäh⁺ kih⁺ dsa⁻ kyaah⁺ hnäh⁺ kyaah⁺ he⁻ hlëeh⁺ hnäh⁺, leeh⁺ wa⁺ ra⁻ ga⁻ heeh⁺ hnäh⁺ lä⁺ jëë⁺ dsa⁻ kyaah⁺ hnäh⁺.

Sa⁺ jwah⁺ Jmi⁻ lle⁺ Na⁻ jngii⁺ kyaah⁺ he⁻ ngii⁺ jmi⁻ ngo⁺ jnän⁻

¹⁶ He⁻ ja⁻ na⁻ jwahn⁺. Go⁻ taah⁺ hnäh⁺ lä⁺ koo⁻ jøø⁺ Jmi⁻ lle⁺ kih⁺ Dio kyah⁺ hnäh⁺, lä⁺ ja⁻ mo⁺ so⁺ jmeeh⁺ hnäh⁺ he⁻ ngii⁺ jmi⁻ ngo⁺ kyah⁺ hnäh⁺. ¹⁷ Hnøø⁺ jmi⁻ ngo⁺ jnän⁻ lä⁺ jë⁺ he⁻ sa⁺ sooh⁺ kih⁺ Jmi⁻ lle⁺ hi⁺ lä⁺ jë⁺ he⁻

hnøø¹ Jmi⁻lle^ʔ, sa⁺ jeeh¹ kyaah¹ he⁻ ngii⁺ jmi⁻ngo¹ jnän[̀]. Lä⁺to^ʔ ba¹ lla⁻dsëe[̀] he⁻ja⁻ sa⁺ kwa⁺ jwë¹ jmeeh¹ hnäh^ʔ lä⁺ ngii⁺ jmi⁻ngo¹ kyah¹ hnäh^ʔ.
¹⁸ Pero cher¹mah¹ ga⁻nääh¹ ba¹ hnäh^ʔ lä⁺koo⁻ jøø⁺ Jmi⁻lle^ʔ kyah¹ hnäh^ʔ, mo⁻so⁺ na⁻hnëeh¹ ga⁻hnäh^ʔ jmeeh¹ hnäh^ʔ ta⁺he¹ kih¹ ley.

¹⁹ Jnä⁺hä^ʔ ba¹ la¹ lä⁺jë⁺ he⁻ hliih¹ he⁻ hwëe⁻ tuh⁻dsë¹ dsa⁻ jmi⁻gyuu⁺. Dsa⁻më^ʔ dsa⁻nüuh⁻ hi⁻ kaah[~] hi⁻ sa⁺ laa¹ kyaa¹, hi⁻ kaah[~] wa¹ hi⁻ cha⁻ hi⁻, hi⁻ mi⁻sah^ʔ hñii^ʔ kyaah¹ he⁻ hliih¹, hi⁻ jmee⁺ lä⁺jë⁺ he⁻ la¹ o⁻hii⁺.

²⁰ Jmääy[~] jøøh¹ dio hi⁻ na⁻laa¹ kaah[~] dsa⁻, jmeey⁺ ji⁻nah¹, na⁻høøyh¹, hneey⁻, liiyh⁺, lleey^ʔ, teey[~], hi⁻ jmee⁺ to¹ nää¹, hi⁻ hnaah⁻ ma⁻la⁺ hi⁻ tih⁻ dsëy¹, ²¹ hi⁻ wii^ʔ dsë¹, hi⁻ jngiih⁺, lla⁻heeyh¹, jmeey⁺ he⁻ lla⁻ dsëy¹ jee^ʔ tē⁻ jmi⁺, hi⁻ jmee⁺ gyih¹ jyoh^ʔ he⁻ hliih¹. Ma⁻neh¹ ba¹ hnäh^ʔ, sa⁺ heyh¹ ya⁻jwii¹ kih¹ Dio lä⁺jëe⁺ hi⁻ jmee⁺ lä⁺ja⁻, ja⁻ ba¹ lä⁺koh^ʔ ga⁻jwëehn¹ hnäh^ʔ jää¹.

²² Pero kyaah¹ be^ʔ kih¹ Jmi⁻lle^ʔ Na⁻jngii¹ ba¹ hwëe⁻ lä⁺jë⁺ he⁻ la⁻: he⁻ hnää¹ dsa⁻ øøh¹, he⁻ jëe⁻ dsë¹ dsa⁻, he⁻ hii^ʔ tii^ʔ dsëy¹, cha⁻ o⁻jøh⁺ dsë⁻ kiyh¹, he⁻ tih[~] dsëy¹ dsa⁻kyaayh¹, llu¹ dsëy¹, mi⁻tey¹ juu¹ kiyh¹, ²³ hwaay¹, hääy[~] hñiiy^ʔ. Ni⁻ miih⁻ sa⁺ ha⁺ ley kih¹ lä⁺jë⁺ he⁻ la⁻. ²⁴ Lä⁺jëe⁺ hi⁻ laa¹ kyaa¹ Cristo Jesús ma⁻bey¹ lä⁺jë⁺ he⁻ ngii⁺ dsëy¹, lä⁺koo⁻ he⁻ ma⁻na⁻juuy¹ ba¹ la¹ kih¹ he⁻ hliih¹ he⁻ ma⁺ hee^ʔ dsëy¹. ²⁵ Na¹ he⁻ jiih⁺ jne¹ kyaah¹ be^ʔ kih¹ Jmi⁻lle^ʔ kih¹ Dio, he⁻ja⁻ jmee⁺ bi¹ jnän[̀] dsa⁻nøø¹ jne¹ ta⁺ cha⁻në^ʔ lä⁺koo⁻ jäh^ʔ Jmi⁻lle^ʔ. ²⁶ Ta⁺ wa¹ jmään¹ hñaan¹ kaah¹, sa⁺ wa¹ llaan¹ dsa⁻ hñii⁻, sa⁺ wa¹ jmeen¹ wii^ʔ dsë⁻ jne¹ kyaah¹ dsa⁻kyaahn¹.

Hnøø¹ jmee¹ jne¹ be^ʔ kih¹ øøh¹ jne¹

6 ¹ Øøhn¹, wa⁻ra⁻ ga⁻tah^ʔ jaa⁻ øøh¹ jne¹ kyaah¹ he⁻ hliih¹, hnøø¹ go⁻chaah[̀] hñii^ʔ, hnäh^ʔ hi⁻ tääh¹ lä⁺koo⁻ jøø⁺ Jmi⁻lle^ʔ kih¹. Jmee¹ hnäh^ʔ hwaah¹ kyaayh¹ hi⁻ leeh¹ hnäh^ʔ, le^ʔ ga⁻ che⁻ në¹ ja⁻ ga⁻nääh¹ hnäh^ʔ ka⁻läh^ʔ. ² Ja⁻ kwah⁻ hnäh^ʔ be^ʔ kih¹ dsa⁻kyaah¹ hnäh^ʔ ma⁺ he⁻ chaay¹, lä⁺jwë^ʔ ja⁻ mi⁻teh[̀] hnäh^ʔ nüuh¹ kih¹ Cristo. ³ Cher¹mah¹ jaa⁻ øøh¹ jne¹ laay¹: “Peer⁺ jøøh¹ jnä^ʔ”, mah¹ sa⁺ cha⁻ he⁻ laay¹ ni⁻ miih⁻, he⁻ mi⁻gaay⁺ hñii^ʔ bih¹ ja⁻. ⁴ Lä⁺jaa⁻ lä⁺jaa⁻ jne¹ hnøø¹ kyen¹ kwaat[~] ha⁻ lä⁺ ga⁻nøø¹ jne¹. Cher¹mah¹ lii^ʔ jne¹ jmee⁻ jne¹ llu¹, ja⁻ga⁻ sooh[~] jnän[̀] chaa⁻ jne¹ llu¹. Pero ta⁺ wa¹ jëe¹ jne¹ kih¹ øøh¹ jne¹, wa¹ jëen¹ jnän[̀] hñaan¹ ba¹. ⁵ Jëeh^ʔ, lä⁺jaa⁻ lä⁺jaa⁻ jne¹, jmeen¹ lä⁺koh^ʔ te¹ tēe⁻ jne¹ jmeen¹.

⁶ Jaa⁻ dsa⁻ hi⁻ ma⁻mi⁻tëe⁻ juu¹ kih¹ Dio hnøø¹ jmeey¹ be^ʔ kih¹ hi⁻ ga⁻kwa^ʔ juu¹, kway¹ miih⁻ he⁻ cha⁻ kiyh¹.

⁷ Ta⁺ mi⁻gaa¹ hnäh^ʔ hñaah¹. Sa⁺ le^ʔ mi⁻kwah¹ jne¹ Dio. Jëeh^ʔ, ja⁻ba¹ he⁻ jñee⁻ jne¹, la¹ kwaat[~] choohn¹ ka⁻läh^ʔ. ⁸ Dsa⁻ hi⁻ jmee⁺ lä⁺jë⁺ he⁻ ngii⁺ jmi⁻ngo¹ kih¹, hi⁻ he^ʔ hee^ʔ ba¹, he⁻ ja⁻ ba¹ liyh⁺. Pero dsa⁻ hi⁻ jmee⁺ lä⁺ hnøø¹ Jmi⁻lle^ʔ kih¹ Dio, he⁻ la⁻ ba¹ liyh⁺: he⁻ chaay⁻ tää^ʔ kyaah¹ be^ʔ kih¹ Jmi⁻lle^ʔ kih¹ Dio. ⁹ Sa⁺ wa¹ hwaan¹ he⁻ jmee¹ jne¹ he⁻ llu¹. Jëeh^ʔ, lloo⁻ koo⁻ jmi⁺ leh⁺ jne¹ cha⁻ga⁻miih⁻ cher¹mah¹ sa⁺ ga⁻hwaä¹ jne¹. ¹⁰ Wa¹ jmee¹

jne' he- llu' jmah' kih' lä-jëë' dsa-, na' lä' cha- jmií'. Hi' cha-ga'miíh- wa' jmeen' kih' øøh' jne' hi- ma-dsoo' dsë' kih' Dio.

Ga-hih' Paa' juu' kih' dsa- cha- Galacia

¹¹ Jëë' da' hnäh' ha- koh' sa- kaah' hwëh' he- ma-siin' miíh- kyah' hnäh' kyaah' goon- hñiin-. ¹² Lä-jëë' dsa- hi- hnooh- ha- lä' jee' jäy' llu' cha'në' dsa-kyayh', hi- he' na- jah' jmee- bii' uuh' jmi-ngo' kyah' hnäh'. Sa- tih- dsëy' juu' he- ga-juu' Cristo dsöh' hma-cru-, jëeh' sa- hnøoy' jëey' wií' kwaat- kih' he- ja-, he-ja- ba' ja- jmeey- lä-ja- kyah' hnäh'. ¹³ Dsa- he', ma-ke- ga-wih' jmi-ngo' kiyh', ni- lä-ja- sa- høoy' ley. He- hnøoy' uuh' jmi-ngo' kyah' hnäh' mah' jmäy' hñii' kaah', kih' he- ma-laah' hnäh' dsa-kyay'. ¹⁴ Pero jnä', ni- miíh- sa- jmään- hñiin- jøøh'. Kih' he- ga-juu' Jesucristo Dsa-jøøh' jnän` dsöh' hma-cru-, he- ja- ba' na- jmee- chaan- llu'. Ta-la- kih' he- ga-juu' Jesús, he-ja- lä-jëë' he- cha- hwa' la- ma-na-juu' ba' ja- kin-, hi- lä-ja- mo-so- cha- ga- he- hee' dsën- kih' jmi-gyuu- la-. ¹⁵ Sa- kyee' ni- miíh- cher'mah' ga-wih' jmi-ngo' jnän` o cher'mah' sa- ga-wih'. He- ma-la- jne' jaa- hi- hmëë' hi- ga-jmää' Dio, he- ja- ba' kyee' jnän`. ¹⁶ Lä-jëë' hi- høø- juu' la-, wa' hii' tií' kiyh' hi- wa' lä-nih' dsë' Dio kyaayh'. Hi- lä-ja- ka-läh' kih' dsa- Israel, hi- laa' kyaa' Dio.

¹⁷ Na' ta- cha'në', sa- wa' jmee' dsa- jwiíh- kin-. Ha- koh' gwih' sa- kyen' he- ga-kwa' dsa- kin- he- la' lii- jmeen- ko-jøh' kyaah' Jesús Dsa-jøøh' jnän`.

¹⁸ Øøhn', wa' mi-jää' Jesucristo Dsa-jøøh' jnän` hnäh'. Wa' la' lä-ja-.